

禪宗正脉卷第四

青原

嗣石
頭遷

天皇道悟禪師。首謁徑山國一。受心法。服勤五載。後叅馬祖。重印前解。法無異說。依止二夏。乃謁石頭。而致問曰。離却定慧。以何法示人。頭曰。我這裏無奴婢。離箇甚麼。曰。如何得。頭曰。汝還撮得虚空麼。曰。恁麼則不從今日去也。頭曰。未審汝早晚從那邊來。曰。道悟不是那邊人。頭曰。我早知汝來處也。曰。師何以賊誣於人。頭曰。汝身現在。曰。雖然如是。畢竟如何。示於後人。頭

賊誣
於人

禪宗正脉四

青原

三

曰汝道誰是後人。師從此頓悟。鑿禪前二哲匠言下有所得心。○僧問如何是玄妙之說。師曰莫道我解佛法好。曰爭奈學人疑滯。師曰何不問老僧。曰即今問了也。師曰去。不去。得泊處。

嗣天
皇悟

龍潭崇信禪師。頌其家賣餅。師少而英異。初悟和尚為靈鑒。潛請居天皇寺。人莫之測。師家于寺巷。常日以十餅饋之。天皇受之。每食畢。常留一餅。曰吾惠汝以廕子孫。師一日自念曰餅是我持去。何以返遺我耶。其別有旨乎。遂造而問。

餅
天皇

指示
心要

馬皇曰是汝持去。復汝何答。師聞之。頓覺玄旨。因投出家。頌皇曰汝昔崇福善。今信吾言。可名崇信。由是服勤左右。日問曰某自到來。不蒙指示心要。皇曰自汝到來。吾未嘗不指汝心要。師曰何處指示。皇曰汝擎茶來。吾為汝接。汝行食來。吾為汝受。汝和南時。吾便低首。何處不指示心要。師低頭良久。皇曰見則直下。便見。擬思即差。師當下開解。復問如何保任。皇曰任性逍遙。隨緣放曠。但盡凡心。別無聖解。

嗣龍
潭信

德山宣鑒禪師。頌簡州周氏子。在蜀常講金剛。

往龍潭

紙燈吹滅

般若時謂之周金剛。因擔青龍疏鈔出蜀。至澧陽路。上見一婆子賣餅。遂息肩買餅點心。婆乃指擔問云。金剛經三心未審。上座點那箇心。師無語。遂往龍潭。至法堂曰。久嚮龍潭。及乎到來。潭又不見。龍又不現。潭引身曰。子親到龍潭。師無語。遂棲止焉。**頌**師一夕侍立次。潭曰。更深何不下去。師珍重便出。却回曰。外面黑。潭點紙燭。度與師。師擬接。潭復吹滅。師於此大悟。便禮拜。潭曰。子見箇甚麼。師曰。從今向去。更不疑天下老和尚舌頭也。至來日。龍潭陞座。謂眾曰。可中

焚疏鈔 抵瀉山

有箇漢。牙如劍樹。口似血盆。一棒打不回頭。他時向孤峰頂上。立吾道去在。師將疏鈔堆法堂前。舉火炬曰。窮諸玄辯。若一毫置於太虛。竭世樞機。似一滴投于巨壑。遂焚之。**評頌**禮謝龍潭。直抵瀉山。挾複子上法堂。從西過東。從東過西。顧視方丈曰。有麼有麼。山坐次。殊不顧盼。師曰。無無。便出至門首。乃曰。雖然如此。也不得草草。遂具威儀再入相見。纔跨門。提起坐具曰。和尚。山擬取拂子。師便喝。拂袖而出。瀉山至晚問首座。今日新到。在否。座曰。當時背却法堂。著草鞋

求勿妄

出去也。山曰。此子已後。向孤峰頂上。盤結草庵。呵佛罵祖。去在。○上堂。若也於已無事。則勿妄求。妄求而得。亦非得也。汝但無事於心。無心於事。則虛而靈。空而妙。若毛端許言之本末者。皆為自欺。何故。毫釐繫念。三途業因。瞥爾情生。萬劫羈鎖。聖名凡號。盡是虛聲。殊相劣形。皆為幻色。汝欲求之。得無累乎。及其厭之。又成大患。終而無益。**頌**小叅示眾曰。今夜不答話。問話者三十棒。時有僧出禮拜。師便打。僧曰。某甲話也未問。和尚因甚麼打某甲。師曰。汝是甚麼處人。曰。

小叅 德山 棒

新羅人。師曰。未跨船舷。好與三十棒。

法眼云。大

作兩椽。圓明云。大

小德山。龍頭蛇尾。○上堂。問即有過。不問猶乖。

有僧出禮拜。師便打。僧曰。某甲始禮拜。為甚麼

便打。師曰。待汝開口。堪作甚麼。○雪峰問南泉

斬猫兒意旨如何。師乃打趁。却喚曰。會麼。峰曰。

不會。師曰。我恁麼老婆心。也不會。**頌**示眾曰。道

得也。三十棒。道不得也。三十棒。臨濟聞得。謂洛

浦曰。汝去問他。道得為甚麼也。三十棒。待伊打

汝。接住棒。送一送。看伊作麼生。浦如教而問。師

便打。浦接住送一送。師便歸方丈。浦回舉似臨

雪峰 問斬 猫兒 旨

嗣龍潭信。

濟濟曰。我從來疑着這漢。雖然如是。你還識德山麼。浦擬議濟便打。

泐潭寶峰和尚問僧。古人有一路。接後進初心。汝還知否。曰。請師指出。古人一路。師曰。甚麼則閣黎知了也。曰。頭上更安頭。師曰。寶峰不合問仁者。曰。問又何妨。師曰。這裏不曾有人亂說道。理出去。

嗣德山鑑。

巖頭全齋禪師。一日參德山。方跨門。便問。是凡是聖。山便喝。師禮拜。有人舉似洞山。山曰。若不是。齋公大難承當。師曰。洞山老人。不識好惡。

德山拓鉢。

錯下名言。我當時一手搥一手搦。雪峰在德

山作飯頭。一日飯遲。德山擎鉢下法堂。峰曬飯巾次。見德山。乃曰。鐘未鳴。鼓未響。拓鉢向甚麼處去。德山便歸方丈。峰舉似師。師曰。大小德山。未會末後句。在山間。令侍者喚師去。問。汝不肯老僧那。師密啓其意。山乃休。明日陞堂。果與尋常不同。師至僧堂前。拊掌大笑曰。且喜堂頭老漢。會末後句。他後天下人不奈伊何。雖然也。祇得三年活。山果三年。師住鄂州巖頭。值沙汰。於湖邊作渡子。兩岬各挂一板。有人過渡。打板。

巖頭作渡子。

究涅槃經

八字

摩醯首羅

塗毒鼓

聲聞人見性

一下。師白阿誰。或曰要過那邊去。師乃舞棹迎之。一日因一婆抱一孩兒來。乃曰呈。橈舞棹。即不問。且道婆子手中見甚處得來。師便打。婆曰。婆生七子。六箇不遇知音。祇這一箇也不消得。便拋向水中。○上堂。吾嘗究涅槃經七八年。觀三兩段義。似衲僧說話。又曰。休休。時有一僧出禮拜。請師舉。師曰。吾教意如八字三點。第一向東方下一點。點開諸菩薩眼。第二向西方下一點。點開諸菩薩命根。第三向上方下一點。點開諸菩薩頂。此是第一段義。又曰。吾教意如摩醯首羅。擘開面門。豎亞一隻眼。此是第二段義。○又曰。吾教意猶如塗毒鼓。擊一聲。遠近聞者皆喪。此是第三段義。時小巖上座問。如何是塗毒鼓。師以兩手按膝。亞身曰。韓信臨朝底。巖無語。○領問。僧甚處來。曰。西京來。師曰。黃巢過後。還收得劍麼。曰。收得。師引頸近前曰。因曰。師頭落也。師呵。呵大笑。僧後到雪峰。峰問甚處來。曰。巖頭來。峰曰。巖頭有何言句。僧舉前話。峰便打三十棒。趨出。○僧問。雪峰。聲聞人見性。如夜見月。菩薩見人性。如晝見日。未審和尚見性如何。峰打拄杖。

嗣德
山鑿

三下。僧後舉前話問師。師與三摑。頌問古帆未挂時如何。師曰。小魚吞大魚。又僧如前問。師曰。後園驢喫草。迺後人或問佛。問法。問道。問禪者。師皆作噓聲。頌古稍異。

雪峰義存禪師。頌初與巖頭至澧州鰲山鎮。阻雪。頭每日祇是打睡。師一向坐禪。一日喚曰。師兄。師兄且起來。頭曰。作甚麼。師曰。今生不着便。共文遠箇漢行脚。到處被他帶累。今日到此。又祇管打睡。頭喝曰。瞌睡去。每日牀上坐。恰似七村裏土地。他時後日。魔魅人家男女去在。師自

雪峰
坐禪
巖頭
打睡

色空
義
過水
偈

點曾曰。我這裏未穩。在不敢自謾。頭曰。我將謂你。他日向孤峰頂上。盤結草菴。播揚大教。猶作這箇語話。師曰。我實未穩在。頭曰。你若實如此。據你見處。一一通來。是處與你證明。不是處與你剗却。師曰。我初到鹽官。見上堂舉色空。義得箇入處。頭曰。此去三十年。切忌舉着。又見洞山過水。偈曰。切忌從他覓。迢迢與我踈。渠今正是我。我今不是渠。頭曰。若與麼。自救也未徹在。師又曰。後問德山。從上宗乘中事。學人還有分也。無德山打一棒曰。道甚麼。我當時如桶底脫相。

從門

曾襟流出

似頭喝曰你不聞道從門入者不是家珍師曰他後如何即是頭曰他後若欲播揚大教一一從自己曾襟流出將來與我蓋天盖地去師於言下大悟便作禮起連聲叫曰師兄今日始是鰲山成道

頌師在洞山作飯頭淘米次山問淘沙去米淘米去沙師曰沙米一時去山曰大眾喫箇甚麼師遂覆却米盆山曰據子因緣合在德山

頌僧問寂然無依時如何師曰猶是病曰轉後如何師曰船子下揚州○栖典座問古人有言知有佛向上事方有語話分如何是語話

有甚隔礙

遠問近對

師把住曰道道栖無對師遂蹋倒栖當下汗流

頌問僧甚處來曰近離浙中師曰船來陸來曰二途俱不涉師曰爭得到這裡曰有甚麼隔礙師便打○問僧甚處去曰禮拜徑山和尚去師曰徑山若問汝此間佛法如何汝作麼生祇對曰待問即道師便打後舉問鏡清這僧過在甚麼處清曰問得徑山徹困師曰徑山在浙中因甚麼問得徹困清曰不見道遠問近對師曰如是如是頌師行脚時叅烏石觀和尚纔敲門石問誰師曰鳳凰兒石曰來作麼師曰來啗老觀

石便開門。擡住曰。道道。師擬議。石拓開。閉却門。

師住後。示眾曰。我當時若入得老觀門。你這一

隊。噎酒糟漢。向甚麼處摸索。○問僧甚麼處來。曰。

為山來。師曰。為山有何言句。曰。某甲曾問如何。

是。祖師西來意。為山據坐。師曰。汝肯他否。曰。某

甲不肯他。師曰。為山古佛。汝速去懺悔。○問僧

甚麼處去。曰。識得即知去處。師曰。汝是了事人。

亂走作麼。曰。和尚莫塗污人好。師曰。我即不塗

污你。古人吹布毛。作麼生。與我說來看。曰。殘羹

餛飯。已有人喫了。師休去。○評頌。上堂。南山有一

條鬘鼻蛇。汝等諸人。切須好看。長慶出曰。今日

堂中。大有人喪身失命。雲門以拄杖攔向師前。

作怕勢。有僧舉似玄沙。沙曰。須是稜兄始得。然

雖如是。我即不然。曰。和尚作麼生。沙曰。用南山

作麼。○評頌。一日。有兩僧來。師以手拓菴門。放身

出曰。是甚麼僧。亦曰。是甚麼。師低頭歸庵。僧辭

去。師問甚麼處去。曰。湖南。師曰。我有箇同行。往

巖頭。附汝一書去。書曰。某。書上師兄某。一自鰲

山成道後。吃至于今。飽不飢。同叅某。書上。僧到

巖頭。問甚麼處來。曰。雪峯來。有書達和尚。頭接

為出據坐

殘羹餛飯

南山條鬘鼻蛇

露面低頭

書上巖頭

末後句

透網金鱗

了乃問僧別有何言句。僧遂舉前話。頭曰。他道甚麼。曰。他無語。低頭歸庵。頭曰。噫。我當初悔不

向伊道。末後句。若向伊道。天下人不奈雪老何。僧至夏末。請益前話。頭曰。何不早問。曰。未敢容

易。頭曰。雪峰雖與我同條生。不與我同條死。要識末後句。祇這是。**評頌**上堂。盡大地撮來。如粟

米粒大。拋向面前。漆桶不會。打鼓普請看。長慶問雲

門曰。雪峯與麼道。還有出頭不得處麼。門曰。有。曰。作麼生。門曰。不可。摠作野狐精。見解。又曰。狼

籍不**評頌**三聖問透網金鱗。以何為食。師曰。待

汝出網來。向汝道。聖曰。一千五百人善知識話頭也。不識師曰。老僧住持事繁。**頌**上堂。盡大地

是箇解脫門。把手拽伊不肯入。時一僧出曰。和尚怪某甲不得。又一僧曰。用人作甚麼。師便打

頌一日陞座。眾集定。師輓出木毬。玄沙遂捉來

安舊處。**頌**一日在僧堂內燒火。閉却前後門。乃

叫曰。救火救火。玄沙將一片柴從窓櫺中拋入。

師便開門。**頌**僧問古澗寒泉時如何。師曰。瞪目

者須知

不見底。曰。飲者如何。師曰。不從口入。僧舉似趙

州。州曰。不從口入。不可從鼻孔裏入。僧却問古

澗寒泉時如何。州曰。苦。曰。飲者如何。州曰。死。師

四

閩王
柑橘

聞得。身曰趙州古佛。遙望作禮。自此不答語。

師因閩王封柑橘各一顆。遣使送至。東問。既是

一般顏色。為甚名字不同。師遂依舊封回。王復

馳問玄沙。沙將一張紙蓋却。○僧問拈槌豎拂。

不當宗乘。未審和尚如何。師豎起拂子。僧乃抱

頭出去。師不顧。法眼代云。大眾。員戰將。○上堂。舉拂子

曰。這箇為中下。僧問上上人來時如何。師舉拂

子。僧曰。這箇為中下。師便打。○問國師三喚侍

者。意如何。師乃起入方丈。○上堂。我若東道西

道。女則尋言逐句。我若羚羊挂角。汝向甚麼處

把摸。○示眾云。此事不從唇吻得。不從黃卷上

得。不從諸方老宿得。合從甚麼處得也。須子細。

增師之法席。常不減千五百眾。

瑞龍恭禪師。謁德山。山問會麼。曰作麼。山曰。請

相見。曰識麼。山大笑。遂許入室。

高亭簡禪師。○參德山。隔江纔見。便云不審。山

乃搖扇招之。師忽開悟。乃橫趨而去。更不回顧。

瑞巖師彥禪師。初禮巖頭。問曰。如何是本常理。

頭曰。動也。曰。動時如何。頭曰。不是本常理。師良

久。頭曰。肯即未脫根塵。不肯永沉生死。師遂領

嗣嚴
頭巖

嗣德
山鑿

嗣德
山鑿

悟便禮拜。頭每與語。徵壽無惑。○後謁夾山。山

問甚處來。曰。卧龍來。山曰。來時龍還起也。未。師

乃顧視之。山曰。炎瘡癩上。更著艾焦。曰。和尚又

苦如此。作甚麼。山休去。○師尋居丹丘瑞巖。坐

磐石。終日如愚。每自喚主人公。復應諾。乃曰。惺

惺著。他後莫受人謾。後有僧參玄沙。沙問近離甚處。云瑞岩。沙云。有何言

句。示徒。僧舉前話。沙云。一等是弄精氣也。其奇怪。乃云。何不且在彼住。云。已遷化也。沙云。而今

還喚得應麼。僧無對。

羅山道閑禪師。○閩帥飲其法味。請居羅山。號

法寶禪師。開堂陞座。方歛衣。便曰。珍重。時眾不

散。良久。師又曰。未識底近前來。僧出禮拜。師抗

聲曰。也大苦哉。僧擬伸問。師乃喝出。○頌。師在禾

山。送同行矩長老出門次。把拄杖向面前一擯

矩無對。師曰。石牛攔古路。一馬生雙駒。後僧舉山云。石牛攔古路。一馬生三寅。○頌。無軫上座問。祇如巖頭道洞

山好佛。祇是無光。未審洞山有何虧闕。便道無

光。師召軫。軫應諾。師曰。灼然好個佛。祇是無光

曰。大師為甚麼撥無軫話。師曰。甚麼處是陳老

師撥你話處。快道快道。軫無語。師打三十棒。趁

出。軫舉似招慶。慶一夏罵詈。至夏末。自來問師

喚主人公

巖頭巖

洞山好佛

遷化

乃分明舉似。慶便作禮懺悔曰。洎錯怪大師。○
僧問如何。是百草頭上。盡是祖師意。師曰。刺破
汝眼。○臨遷化。上堂。集眾良久。展左手。主事罔
測。乃令東邊師僧退後。又展右手。又令西邊師
僧退後。迺曰。欲報佛恩。無過流通大教。歸去也。
歸去也。珍重。

嗣雲
峯仔

玄沙師備宗一禪師。布衲芒屨。食終接氣。常終
日宴坐。眾皆異之。與雪峰本法門昆季。而親近
若師資。峰以其苦行。呼為頭陀。一日峰問阿那
箇是備頭陀。師曰。終不敢誑於人。○領異日峯召

閔楞
嚴發
明

道無
程途

曰。備頭陀。何不徧參去。師曰。達磨不來東土。二
祖不往西天。峯然之。○師入室。浴決。罔替晨昏。
又閔楞嚴。發明心地。由是應機敏捷。與修多羅
冥契。諸方玄學。有所未決。必從之。請益。至與雪
峰徵詰。亦當任不讓。峰曰。備頭陀。再來人也。○
上堂。佛道閑曠。無有程途。無門解脫之門。無意
道人之意。不在三際。故不可昇沉。建立乖真。非
屬造化。動則起生死之本。靜則醉昏沉之鄉。動
靜雙泯。即落空亡。動靜雙收。顛預佛性。必須對
塵對境。如枯木寒灰。臨時應用。不失其宜。鏡照

卷五十四
青原
良

無影像

無邊表

學人難處

道人行處

諸像不亂光輝。鳥飛空中。不雜空色。所以十方無影像。三界絕行蹤。不墮往來機。不住中間意。鐘中無鼓響。鼓中無鐘聲。鐘鼓不。相交。句句無前後。如壯士屈臂。不藉他力。師子遊行。豈求伴侶。九霄絕翳。何在穿通。一段光明。未會昏昧。若到這裡。體寂寂。常的的。日赫燄。無邊表。圓覺空中。不動搖。吞燦乾坤。迥然照。夫佛出世者。元無出入。名相無體。道本如如。法爾天真。不同修證。祇要虛閒。不昧作用。不涉塵泥。箇中纖毫。道不盡。即為魔王眷屬。句前句後。是學人難處。所以一句當天。八萬門永絕生死。直饒得似秋潭月影。靜夜鐘聲。隨扣擊。以無虧。觸波瀾。而不散。猶是生死岸頭事。道人行處。如火銷冰。終不却成冰。箭既離弦。無返回勢。所以牢籠不肯住。呼喚不回頭。古聖不安徘。至今無處所。若到這裡。步步登玄。不屬邪正。識不能識。智不能知。動便失宗。覺即迷旨。二乘膽顫。十地魂驚。語路處絕。心行處滅。直得釋迦掩室於摩竭。淨名杜口於毗耶。須菩提唱無說。而顯道。釋梵絕聽。而雨花。若與麼現前。更疑何事。沒棲泊處。離去來今。限約

今時不得以思路絕。不因莊嚴本來真淨。動用語味。隨處明了。更無欠少。今時人不悟箇中道理。妄

凡聖無立處

自涉事涉塵。處處染着。頭頭繫絆。縱悟則塵境紛紜。名相不實。便擬凝心。斂念攝事。歸空閉目。藏睛。終有念起。旋旋破除。細想終生。即便過捺。如此見解。即是落空亡底外道。魂不散底死人。冥冥漠漠。無覺無知。塞耳偷鈴。徒自欺誑。這裏分別。則不然也。不是隈門傍戶。句句現前。不得商量。不涉文墨。本絕塵境。本無位次。權名箇出家兒。畢竟無蹤迹。真如凡聖。地獄人天。祇是療

辨安身立

狂子之方。虛空尚無改變。大道豈有昇沉。悟則縱橫不離本際。若到這裡。凡聖也無立處。若向句中作意。則沒溺殺人。若向外馳求。又落空界。如如向上。沒可安排。恰似談鑪不藏蚊蚋。此理本來平坦。何用剷除。動靜揚眉。是真解脫。道不疆為意度。建立乖真。若到這裡。纖毫不受。指意則差。便是千聖出頭來也。安一字不得。久立珍重。○上堂。我今問汝諸人。且承當得箇甚麼事。在何世界。安身立命。還辨得麼。若辨不得。恰似捏目生花。見事便差。知麼。如今目前。見有山河

單宗正末四

清原

五

四

宗乘是諸佛頂族

如同夢事

不同夢事

天地色空明暗種種諸物皆是狂勞花相。喚作顛倒知見。夫出家人識心達本源。故號為沙門。汝今既已剃髮披衣。為沙門相。即便有自利利他分。如今看着。盡黑漫漫地。墨汁相似。自救尚不得。爭解為得人。仁者佛法因緣事大。莫作等閒相似。聚頭亂說雜話。趁韻過時。光陰難得。可惜許大丈夫兒。何不自省察。看是甚麼事。祇如從上宗乘。是諸佛頂族。汝既承當不得。所以我方便勸汝。但從迦葉門。接續頓超去。此一門超。凡聖因果。超毗盧妙莊嚴世界海。超他釋迦方便門。直下永劫不教有一物與汝作眼見。何不目急急究取。未必道我且待三生兩生。久積淨業。仁者宗乘是甚麼事。不可由汝用工莊嚴。便得去。不可他心宿命便得去。會麼。祇如釋迦出頭來。作許多變弄。說十二分教。如旃灌水。大作一場佛事。向此門中用一點不得。用一毛頭伎倆不得。知麼。如同夢事。亦如寐語。沙門不應出頭來。不同夢事。蓋為識得知麼。識得。即是大出脫。大徹頭人。所以超凡越聖。出生離死。離因離果。超毗盧越釋迦。不被凡聖因果所謾。一切處

宗乘是諸佛頂族

青原

六

四

不出
識陰

妄為
恬靜

立地

待汝

搆去

無人識得汝。知麼。莫祇長戀生死愛網。被善惡業拘將去。無自由分。既汝鍊得身心同虛空去。既汝到精明湛不搖處。不出識陰。古人喚作如急流水。流急不覺。妄為恬靜。怎麼修行。盡出他輪迴際。不得依前被輪迴去。所以道。諸行無常。直是三乘功果。如是可畏。若無道眼。亦不究竟。何似如今博地凡夫。不用一毫工夫。便頓超去。解省心力麼。還願樂麼。勸汝。我如今立地待汝搆去。更不教汝加工鍊行。如今不恁麼。更待何時。還肯麼。便下座。○上堂。汝諸人如在大海裏

根機
遲鈍

坐沒頭浸却了。更展手問人乞水喫。夫學般若菩薩。須具大根器。有大智慧始得。若有智慧。即今便出脫得去。若是根機遲鈍。直須勤苦耐志。日夜忘疲。無眠失食。如喪考妣相似。怎麼急切。盡一生去。更得人荷挾。尅骨究實。不妨易得。搆去。且况如今。誰是堪任受學底人。仁者。莫祇是記言記語。恰似念陀羅尼相似。蹋步向前來。口裏哆哆和和地。被人把住。詰問着沒去處。便嗔道。和尚不為我答話。恁麼學事大苦。知麼。有一般坐繩牀和尚。稱善知識。問着便搖身動手。點

稱善

本華宗王未曰

青原

良

向五
蘊身
田中
作活
計
瞌睡
見解

有汝心行麼。不可道無。便得當去也。知麼。汝既
有如是奇特。當陽出身處。何不發明取。因何却
隨他。向五蘊身田中。鬼趣裏作活計。直下自謾
去。忽然無常殺鬼到來。眼目壽張。身見命見。恁
麼時。大難支荷。如生脫龜殼相似。大苦。仁者莫
把瞌睡見解。便當却去。未解。蓋覆得毛頭許。汝
還知麼。三界無安。猶如火宅。且汝未是得安樂
底人。祇大作群隊。干他人世。這邊那邊。飛走野
鹿相似。但求衣食。若恁麼爭行他王道。知麼。國
王大臣。不拘執汝。父母放汝出家。十方施主。供
汝衣食。土地龍神。荷護汝也。須具慚愧。知恩始
得。莫孤負人好。長連牀上。排行著地。銷將去道。
是安樂。未。在。皆是粥飯。將養得汝。爛冬瓜相似。
變將去。土裏埋將去。業識茫茫。無本可據。沙門
因甚麼到恁麼地。祇如大地上。蠢蠢者。我喚作
地獄劫住。如今若不了。明朝後日。入驢胎馬肚
裏。牽犁拽杷。銜鐵負鞍。碓擣磨磨。水火裏燒煮
去。大不容易受。大須恐懼好。是汝自累。知麼。若
是了去。直下永劫。不曾教汝有這箇消息。若不
了此煩惱惡業因緣。不是一劫兩劫得休。直與

汝金剛齊壽知麼。師因叅次聞燕子聲。乃曰。深談實相。善說法要。便下座。時有僧請益。曰。某甲不會。師曰。去。誰信汝。鼓山來。師作一圓相。示之。山曰。人人出這箇不得。師曰。情知汝向驢胎馬腹裏作活計。山曰。和尚又作麼生。師曰。人人出這箇不得。山曰。和尚與麼道却得。某甲為甚麼道不得。師曰。我得汝不得。僧侍立次。師以杖指面前地上白點。曰。還見麼。曰。見。如是三問。僧亦如是答。師曰。你也見我也見。為甚麼道不會。頌。因雪峰指火曰。三世諸佛在火燄裏轉。

枯槌
堅拂

三種
病人

大法輪師曰。近日王令稍嚴。峰曰。作麼生。師曰。不許換奪行市。雲門曰。火燄為三世諸佛說法。三世諸佛立地聽。○僧問。古人枯槌豎拂。還當宗乘也無。師曰。不當。曰。古人意作麼生。師舉拂。子。僧曰。宗乘中事如何。師曰。待汝悟始得。頌。師垂語曰。諸方老宿。盡道接物利生。祇如三種病人。汝作麼生接。患盲者。枯椎豎拂。他又不見。患聾者。語言三昧。他又不聞。患瘧者。教伊說。又說不得。若接不得。佛法無靈驗。時有僧出曰。三種病人。還許學人商量否。師曰。許汝作麼生商量。

其僧珎重出師曰。不是不是。羅漢曰。桂琛現有眼耳口。和尚作麼生接。師曰。慚愧。便歸方丈。中

塔曰。三種病人。即今在甚麼處。又一僧曰。非唯

謾他。兼亦自謾。法眼云。我當時見羅漢舉此僧語。我便會三種病人。雲居錫云。

祇如此僧會不會。若道會。玄沙又道不是。若道不會。法眼為甚麼道我因此僧語。使會三種病人。上座無事上來。商量。大家要知。

有僧請益雲門。門曰。汝禮拜

著。僧禮拜起。門以拄杖拄之。僧退後。門曰。汝不

是患盲麼。復喚近前來。僧近前。門曰。汝不是患

聾麼。門曰。會麼。曰。不會。門曰。汝不是患瘧麼。僧

於是有省頌師因僧禮拜。師曰。因我得禮汝。頌

遣僧師一日遣僧送書上雪峰。峰開緘見白紙三幅。

問僧會麼。曰。不會。峰曰。不見道。君子千里同風。

僧回舉似。師曰。山頭老漢。蹉過也。不知。曰。和尚

如何。師曰。孟春猶寒也。不解道。頌師問鏡清教

中道。不見一法。為大過患。且道。不見甚麼法。清

指露柱。曰。莫是不見這箇法麼。同安頌別云。也。知和尚不造次。

師曰。浙中清水白米。從汝喫。佛法未會在。頌僧

問如何。是清淨法身。師曰。膿滴地。頌問如何

是親切底事。師曰。我是謝三郎。頌師與韋監軍

喫果子。韋問如何。是日用而不知。師拈起果子

與韋監軍

峰

送書上雪

遣僧

卷之四

十一

子喫果

曰。喫。韋。喫。果子。再問。師曰。祇。這。是。日。用。而。不

知。領。僧。問。如。何。是。學。人。自。己。師。曰。用。自。己。作。麼

一作是你自己。雲門云。沒量大。小。被。語。脉。裏。轉。却。僧。問。如。何。是。學。人。自。己。門。云。忽。然。路。上。有。人

喚。衲。僧。齋。你。也。隨。分。得。飯。喫。○師。問。明。真。大。師。善。財。參。彌。勒。

彌。勒。指。歸。文。殊。文。殊。指。歸。佛。處。汝。道。佛。指。歸。甚

麼。處。曰。不。知。師。曰。情。知。汝。不。知。法。眼。別。云。喚。○

大。普。玄。通。到。禮。觀。師。曰。你。在。彼。住。莫。詐。惑。人。家

男。女。曰。玄。通。祇。是。開。箇。供。養。門。晚。來。朝。去。爭。敢

作。恁。麼。事。師。曰。事。難。曰。真。情。是。難。師。曰。甚。麼。處

是。難。處。曰。為。伊。不。肯。承。當。師。便。入。方。丈。柱。却。門

領。僧。問。學。人。乍。入。叢。林。乞。師。指。箇。入。路。師。曰。還

聞。偃。溪。水。聲。麼。曰。聞。師。曰。從。這。裏。入。○問。古。人

皆。以。瞬。視。接。人。未。審。和。尚。以。何。接。人。師。曰。我。不

瞬。視。接。人。曰。學。人。為。甚。麼。道。不。得。師。曰。畝。塞。汝

口。爭。解。道。得

長。慶。慧。稜。禪。師。歷。叅。禪。苑。後。叅。靈。雲。問。如。何。是

佛。法。大。意。雲。曰。驢。事。未。去。馬。事。到。來。師。如。是。往

來。雪。峰。玄。沙。二。十。年。間。坐。破。七。箇。蒲。團。不。明。此

事。一。日。捲。簾。忽。然。大。悟。乃。有。頌。曰。也。大。差。也。大

差。捲。起。簾。來。見。天。下。有。人。問。我。解。何。宗。拈。起。拂

嗣靈
峯存

坐破
七箇

蒲團

子劈口打。峰舉謂玄沙曰。此子徹去也。沙曰。未
 可。此是意識著述。更須勘過始得。至晚。眾僧上
 來問訊。峰謂師曰。備頭陀未肯。汝在。汝實有正
 悟。對眾舉來。師又有頌曰。萬象之中獨露身。唯
 人自肯乃方親。昔時謬向途中覓。今日看來火
 裏冰。峰乃顧沙曰。不可。更是意識著述。師問峰
 曰。從上諸聖傳受一路。請師垂示。峰良久。師設
 禮而退。峰乃微笑。師入方丈。參峰曰。是甚麼。師
 曰。今日天晴好。普請自此酬問。未嘗爽於玄旨。
 評頌 師與保福遊山。福問古人道。妙峯山頂莫

抵這箇便是也。無師曰。是即是。可惜許。僧問。長慶恁麼道。意作麼生。山云。孫公若無此語。可謂觸躩徧野。白骨連山。 僧問如

何是正法眼。師曰。有願不撒沙。○問。名言妙義。教有所詮。不涉三科。請師直道。師曰。珍重。師乃

曰。明明歌詠。汝尚不會。忽被暗裡來底事。汝作麼生。僧問如何是暗來底事。師曰。喫茶去。中塔代云。

便請和 尚相伴。頌 上堂。撞着道伴交肩過。一生參學事。畢。頌 上堂。總似今日。老胡有望。保福曰。總似今

日。老胡絕望。○上堂。我若純舉唱宗乘。須閉却法堂門。所以道。盡法無民。僧問。不怕無民。請師

嗣雪
峰存

盡法。師曰。還委濠處麼。

保福展禪師 **評頌** 嘗以古今方便詢于長慶。一

日慶謂師曰。寧說阿羅漢有三毒。不可說如來

有二種語。不道如來無語。祇是無二種語。師曰。

作麼生。是如來語。慶曰。聾人爭得聞。師曰。情知

和尚向第二頭道。慶曰。汝又作麼生。師曰。喫茶

去。雲居錫云。甚麼處是長慶向第二頭道處。 **頌** 雪峰上堂曰。諸上座。

望州亭與汝相見了也。烏石嶺與汝相見了也。

僧堂前與汝相見了也。師舉問鵝湖僧堂前相

見。即且置。祇如望州亭。烏石嶺。甚麼處相見。鵝

湖驪步歸方丈。師低頭入僧堂。○保福開堂曰。

刺史王公禮跪三請。躬自扶掖陞座。師乃曰。須

起個笑端作麼。然雖如此。再三不容推免。諸仁

者。還識麼。若識得。便與古佛齊肩。時有僧出。方

禮拜。師曰。晴乾不肯去。直待雨淋頭。 **頌** 師因僧

侍立。問曰。汝得恁麼。麈尾。僧曰。甚麼處是某甲

麈尾。師拈一塊土。度與僧。曰。拋向門前着。僧

拋了。却來曰。甚麼處是某甲麈尾。師曰。我見

築着。磕着。所以道。汝麈尾。 **頌** 師問僧。殿裏底是

甚麼。曰。和尚定當看。師曰。釋迦佛。曰。和尚莫謾

刺史王公
扶掖陞座

卷之三

青原

廿

良

四謾人

人好。師曰。却是汝謾我。又問飯頭。鑊澗多少。曰。和尚試量看。師以手作量勢。曰。和尚莫謾某甲。師曰。却是汝謾我。又問僧。汝作甚麼業來。得恁麼長大。曰。和尚短多少。師蹲身作短勢。曰。和尚莫謾人好。師曰。却是汝謾我。又問僧。汝名甚麼。曰。咸澤。師曰。忽遇枯澗時如何。曰。誰是枯澗者。師曰。我是。曰。和尚莫謾人好。師曰。却是汝謾我。咸澤本章在後。依頌占收於此。○僧問學人。近入叢林。乞師全示入路。師曰。若教全示。我却禮拜汝。

嗣雪

鼓山神晏興聖國師頌一日參雪峰。峰知其緣。

閩主常詢法要

熟。忽起。撥住曰。是甚麼。師釋然了悟。亦忘其了心。唯舉手搖曳而已。峰曰。子作道理邪。師曰。何道理之有。峰審其懸解。撫而印之。○閩帥常詢法要。創鼓山禪苑。請舉揚宗旨。上堂良久。曰。南泉在日。亦有人舉。要且不識南泉。即今莫有識南泉者麼。試出來對衆驗看。時有僧出禮拜。終起。師曰。作麼生。僧近前。曰。咨和尚。師曰。不才。請退。乃曰。經有經。師論有論。師律有律。師有函。有號。有部。有帙。各有人傳持。且佛法是建立教。禪道乃止啼之說。他諸聖出興。蓋為人心不等。巧

開方便。遂有多門。受疾不同。處方還異。在有破
有。居空叱空。二患既除。中道須遣。鼓山所以道
句不當機。言非展事。承言者喪。滯句者迷。不唱
言前。寧談句後。直至釋迦掩室。淨名杜口。大士
梁時。童子當日。一問二問三問。盡有人了也。諸
仁者。合作麼生。時有僧出禮拜。師曰。高聲問曰。
學人。咨和尚。師喝曰。出去。曰。已事未明。以何為
驗。師抗聲曰。似未聞。那。其僧再問。師曰。一點隨
流。食咸不重。●上堂。垂語曰。鼓山門下。不得咳
嗽。時有僧咳嗽一聲。師曰。作甚麼。曰。傷風。師曰。
傷風。即得。●師有偈曰。直下猶難會。尋言轉更
賒。若論佛與祖。特地隔天涯。師舉問僧。汝作麼
生。會僧無語。乃謂侍者曰。某甲不會。請代一轉
語。者曰。和尚與麼道。猶隔天涯在。僧舉似師。師
喚侍者問。汝為這僧代語。是否。者曰。是。師便打。
趁出院。

示眾
偈

嗣雪
峯存。

龍華靈照禪師。僧問。向上一路。千聖不傳。未審
甚麼人傳得。師曰。千聖也疑我。曰。莫便是傳也。
無師曰。晉帝斬嵇康。○問。古人道。見色便見心。
此即是色。阿那箇是心。師曰。恁麼問。莫欺山僧。

嗣雪
峰存

麼

翠巖令參禪師。頌上堂。一夏與兄弟東語西話。

看翠巖眉毛在麼。張慶云。生也。雲門云。關。保福作賊人心虛。翠岩云。為

衆竭力。禍出私門。○僧問。凡有言句。盡是點污。如何是

向上事。師曰。凡有言句。盡是點污。

嗣雪
峯存

鏡清道忞禪師。抵闕謁雪峯。一日師問。祇如古

德。豈不是以心傳心。峯曰。無不立文字語句。師

曰。祇如不立文字語句。師如何傳。峯良久。師禮

謝。峯曰。更問我一轉。豈不好。師曰。就和尚請一

轉。問頭。峯曰。祇恁麼。為別有商量。師曰。和尚恁

麼。即得。峯曰。於汝作麼生。師曰。孤負殺人。○雪

峯謂衆曰。堂堂密密地。師出問。是甚麼。堂堂密

密。峯起立曰。道甚麼。師退步而立。雪峯垂語曰。

此事得恁麼尊貴。得恁麼綿密。師曰。道恁自到

未數年。不聞和尚恁麼示誨。峯曰。我向前雖無。

如今已有。莫有所妨麼。曰。不敢。此是和尚不已

而已。峯曰。致使我如此。師從此信入。而且隨衆。

時謂之小恁布衲。○普請次。雪峯舉瀉山道。見

色。便見心。汝道還有過也無。師曰。古人為甚麼

事。峯曰。雖然如此。要共汝商量。師曰。恁麼則不

尊貴
綿密

小恁
布衲

訪曹山

皮光 業屢 擊之

如道恁鉏地去。○師再參雪峰。峰問甚處來。師曰。嶺外來。峰曰。甚麼處逢見達磨。師曰。更在甚麼處。峰曰。未信汝在。師曰。和尚莫恁麼粘泥好。峰便休。○師後遍歷諸方。益資權智。因訪先曹山。山問甚麼處來。師曰。昨日離明水。山曰。甚麼時到明水。師曰。和尚到時到。山曰。汝道我甚麼時到。師曰。適來猶記得。山曰。如是如是。○師初住越州鏡清。唱雪峰之旨。學者奔湊。副使皮光業者。日休之子。辭學宏贍。屢擊難之。退謂人曰。恁師之高論。人莫窺其極也。○新到參師。拈起

拂子。僧曰。久向鏡清。猶有這箇在。師曰。鏡清今

日失利。○**評頌**問學人。啐。請師啄。師曰。還得活也。

無。曰。若不活。遭人怪笑。師曰。也是草裡漢。○**頌**師

一日於僧堂。自擊鐘。曰。玄沙道底。玄沙道底。僧

問。玄沙道甚麼。師乃畫一圓相。僧曰。若不又參。

爭知與麼。師曰。失錢遭罪。○師住庵時。有行者

至。徐徐近繩牀。取拂子。提起問。某甲喚這個作

拂子。庵主喚作甚麼。師曰。不可更安名立字也。

行者乃擲却拂子。曰。着甚死急。○**頌**師問僧。外面

是甚麼聲。曰。蛇咬蜈蚣聲。師曰。將謂衆生苦。更

行脚
事大

有苦衆生○師問靈雲行脚事大乞師指南雲
曰浙中米作麼價師曰若不是道恁洎作米價
會却○僧問如何是清淨法身師曰紅日照青
山如何是法身向上事師曰風吹雪不寒頌問
學人未達其源請師方便師曰是甚麼源曰其
源師曰若是其源爭受方便僧禮拜退後侍者
問和尚適來莫是成褫伊麼師曰無曰莫是不
成褫伊麼師曰無曰未審意旨如何師曰一點
水墨兩處成龍○師看經次僧問和尚看甚麼
經師曰我與古人鬪百草師却問汝會麼曰少

看經
次

驗看

管帶
一路

年也曾恁麼來師曰如今作麼生僧舉拳師曰
我輸汝也○上堂如今事不得已向汝道各自
驗看實個親切既恁麼親切到汝分上因何特
地生疎祇為拋家日久流浪年深一向緣塵致
見如此所以喚作背覺合塵亦名捨父逃逝今
勸兄弟未歇歇去好未徹徹去好大丈夫兒得
恁麼無氣槩還惆悵麼終日茫茫地且覓取個
管帶路好也無人問我管帶一路僧問如何是
管帶一路師噓噓曰要棒喫即道曰恁麼則學
人罪過也師曰幾被汝打破蔡州○問僧近離

迷已
逐物

甚處曰石橋。師曰本分事作麼生。曰近離石橋。師曰我豈不知你近離石橋。本分事作麼生。曰和尚何不領話。師便打。僧曰某甲話在。師曰你但喫棒。我要這話行。○僧問新年頭還有佛法也無。師曰有。曰如何是新年頭佛法。師曰元正啓祚萬物咸新。曰謝師答話。師曰鏡清今日失利。○頌問僧門外甚麼聲。曰雨滴聲。師曰衆生顛倒迷已逐物。曰和尚作麼生。師曰泊不迷已。曰泊不迷已。意旨如何。師曰出身猶可易。脫體道應難。○頌師因僧問如何是大道之源。師曰從

嗣雪
峰存。

嗣雪
峯存。

嗣雪
峯存。

這裡流出 **增收**

報恩懷嶽禪師。僧問十二時中如何行履。師曰動即死。曰不動時如何。師曰猶是守古塚鬼。安國瑄禪師。僧問常居正位底人。還消得人天供養否。師曰消不得。曰為甚麼消不得。師曰是甚麼心行。曰甚麼人消得。師曰著衣喫飯底消得。睡龍道溥禪師。僧問初心後學。近入叢林。方便門中。乞師指示。師敲門枋。僧曰向上還有事也無。師曰有。曰如何是向上事。師再敲門枋。

文庫

青原

嗣雪
峰存

長生皎然禪師。僧問。古人有言。無明即佛性。煩惱不須除。如何是無明。即佛性。師忿然作色。舉拳訶曰。今日打這師僧去也。曰。如何是煩惱。不須除。師以手拏頭曰。這師僧得恁麼發人業。○問路逢達道人。不將語默對。未審將甚麼對。師曰。上紙墨。堪作甚麼。

嗣雪
峰存

鵝湖孚禪師。○一日不赴堂。侍者來請赴堂。師曰。我今日在莊上喫油糍飽者。曰。和尚不曾出入。師曰。你但去問取莊主者。方出門。忽見莊主歸。謝和尚到莊喫油糍。致頌古見南泉古德兩章今考機緣在會元

莊上
喫油
糍

湖處○僧問雪峰。拋下拄杖。意作麼生。師以香匙拋下地。僧曰。未審此意如何。師曰。不是好種。出去。

嗣雪
峰存

隆壽紹卿禪師。因侍雪峰山行。見芋葉動。峰指動葉示之。師曰。紹卿甚生怕怖。峰曰。是汝屋裏底。怕怖甚麼。師於此有省。

嗣雪
峰存

永福從弇禪師。僧問。儒門以五常為極則。未審宗門以何為極則。師良久。僧曰。恁麼則學人造次也。師曰。好與拄杖。○問。不向問處領。猶是學人問處。和尚如何。師曰。喫茶去。

嗣雪
峰存

雲蓋歸本禪師。初謁雪峰。禮拜次。峰下禪牀。跨背而坐。師於此有省。住後。僧問如何。是西來的的意。師乃搗住。其僧變色。師曰。我這裏無這個。洛京南院和尚。有儒者博覽古今。時呼為張百會。謁師。師問莫是張百會麼。曰不敢。師以手於空畫一畫。曰會麼。曰不會。師曰。一尚不會。甚麼處得百會來。

嗣雪
峰存

法海行周禪師。僧問如何是道中寶。師曰。不露光。曰莫便是否。師曰。是即露也。

嗣雪
峰存

杭州龍井通禪師。僧問如何是龍井龍。師曰。意

嗣雪
峰存

氣天然別。神工畫不成。曰為甚麼畫不成。師曰。出群不帶角。不與類中同。曰還解行兩也。無師曰。普潤無邊際。處處皆結粒。曰還有宗門中事也。無師曰。有。曰如何是宗門中事。師曰。從來無形段。應物不曾虧。

嗣雪
峰存

杭州龍興宗靖禪師。初參雪峰。誓充飯頭。勞逾十載。嘗於眾堂中。袒一膊。釘簾峰。觀而記曰。汝向後住持。有千僧。其中無一人衲子也。師悔過。回浙住六通院。錢王命居龍興寺。有眾千餘。唯三學講誦之徒。果如雪峰所誌。

嗣雪
峰存

南禪契璠禪師上堂。若是名言妙句。諸方總道了也。今日眾中。還有超第一義者。致將一問來。若有。即不孤負於人。僧問。如何是第一義。師曰。何不問第一義。曰。見問。師曰。已落第二義也。越山師鵠禪師。初參雪峰。而染指。後因閩王請於清風樓齋坐。久舉目忽覩日光。豁然頓曉。而有偈曰。清風樓上赴官齋。此日平生眼豁開。方信普通年遠事。不從葱嶺帶將來。歸呈雪峰。峰然之。師臨終示偈曰。眼光隨色盡。耳識逐聲消。還源無別旨。今日與明朝。

嗣雪
峰存

嗣雪
峰存

極樂元儼禪師。僧問。如何是極樂家風。師曰。滿目看不盡。○問。萬法本無根。未審教學人承當甚麼。師曰。莫寐語。

嗣雪
峰存

潮山延宗禪師。因資福來謁。師下禪牀相接。福問。和尚住此山得幾年也。師曰。鈍鳥棲廬。困魚止灤。曰。恁麼則真道人也。師曰。且坐喫茶。

嗣雪
峰存

普通普明禪師。僧問。如何是佛性。師曰。汝無佛性。曰。蠢動含靈。皆有佛性。學人為何却無。師曰。為汝向外求。

嗣雪
峰存

太原孚上座。初在揚州光孝寺。講涅槃經。有

講涅槃經

禪者阻雪。因往聽講。至三。因佛性。三德法身。廣談法身妙理。禪者失笑。師講罷。請禪者喫茶。白曰。某甲素志狹劣。依文解義。適蒙見笑。且望見教。禪者曰。實笑。座主不識法身。師曰。如此解說。何處不是。曰。請座主更說一遍。師曰。法身之理。猶若太虛。豎窮三際。橫亘十方。弥給八極。包括二儀。隨緣赴感。靡不周徧。曰。不道。座主說不是。祇是說得法身量邊事。實未識法身在。師曰。既然如是。禪德當為我說。曰。座主還信否。師曰。焉敢不信。曰。若如是。座主輟講旬日。於室內端然

法身量邊事

游浙中

靜慮。收心攝念。善惡諸緣。一時放却。師一依所教。從初夜至五更。聞鼓角聲。忽然契悟。便去扣門。禪者曰。阿誰。師曰。某甲。禪者咄曰。教汝傳持大教。代佛說法。夜來為甚麼醉酒卧街。師曰。禪德。自來講經。將生身父母鼻孔搗捏。從今已去。更不敢如是。禪者曰。且去。來日相見。師遂罷講。徧歷諸方。○嘗游浙中。登徑山法會。一日於大佛殿前。有僧問。上座曾到五臺否。師曰。曾到。曰。還見文殊麼。師曰。見。曰。甚麼處見。師曰。徑山佛殿前。見其僧。後適閩川。舉似雲峰。峰曰。何不教

卷之三

青原

古

至雪
峰
院
解

伊入嶺來。師聞乃趣裝而邁。初至雪峰。解院憇錫。因分柑子與僧。長慶問甚麼處將來。師曰。嶺外將來。曰。遠涉不易。擔負將來。師曰。柑子柑子。**頌**。次日上山。雪峰聞乃集衆。師到法堂上。顧視雪峰。便下看知事。明日却上禮拜。曰。某甲昨日觸忤和尚。峰曰。知是般事。便休。○峰一日見師。乃指日示之。師搖手而出。峰曰。汝不肯我。那師曰。和尚搖頭。某甲擺尾。甚麼處是不肯。峰曰。到處也須諱却。○一日衆僧晚參。峰在中庭卧。師曰。五州管內。祇有這老和尚較些子。峰便起去。

雪峰
指日

峰
問
第一
句

玄沙
遇師
打水

○峰嘗問師。見說臨濟有三句。是否。師曰。是曰。作麼生。是第一句。師舉目視之。峰曰。此猶是第二句。如何是第一句。師叉手而退。自此雪峰深器之。室中印解。師資道契。更不它遊。而掌浴焉。**頌**。一日玄沙上問訊雪峰。峰曰。此間有個老鼠子。今在浴室裏。沙曰。待與和尚勘過。言訖。到浴室。遇師打水。沙曰。相看上座。師曰。已相見了。沙曰。甚麼劫中曾相見。師曰。瞌睡作麼。沙却入方丈。白雪峰曰。已勘破了。峰曰。作麼生勘伊。沙舉前話。峰曰。汝着賊也。**頌**。鼓山問師。父母未生時。

鼓山
赴大
王請

鼻孔在甚麼處。師曰：老兄先道。山曰：如今生也。汝道在甚麼處。師不肯。山却問作麼生。師曰：將手中扇子來。山與扇子。再徵前話。師搖扇不對。山罔測。乃毆師一拳。鼓山赴大王請。雪峰門送。回至法堂。乃曰：一隻聖箭。直射九重城裏去也。師曰：是伊未在。峰曰：渠是徹底人。師曰：若不信。待某甲去勘過。遂趨至中路。便問師兄向甚麼處去。山曰：九重城裏去。師曰：忽遇三軍圍繞。時如何。山曰：它家自有通霄路。師曰：怎麼則離宮失殿去也。山曰：何處不稱尊。師拂袖便回。峯

問如何。師曰：好隻聖箭。中路折却了也。遂舉前話。峰乃曰：奴渠語在。師曰：這老凍膿。猶有鄉情在。○僧問：如何是觸目菩提。師踢狗子作聲。走僧無對。師曰：小狗子。不消一踢。

嗣靈
峰仔

南嶽惟勁禪師。師雪峰而友。玄沙深入玄奧。一日問鑑上座。聞汝註楞嚴。是否。鑑曰：不敢。師曰：一文殊作麼生註。曰：請師鑑。師乃揚袂而去。

嗣靈
峰仔

達磨大師曰：達磨爭鉢傳得。師曰：汝道甚麼人。師曰：達磨大師曰：達磨爭鉢傳得。師曰：汝道甚麼人。

一字傳得○問如何是直截一路師曰截○問如何

是佛法大意師曰苦○問如何是道師曰普○問如何是學人自己師曰失○問如何是得無山河大地去師曰不起見

嗣瑞
品彥

瑞峰神祿禪師。久為瑞巖侍者。後開山創院。學侶依附。師有偈曰。蕭然獨處意沉吟。誰信無言發妙音。終日法堂唯靜坐。更無人問本來心。有僧朋彥問曰。如何是本來心。師召朋彥。彥應諾。師曰。與老僧點茶來。彥於是信入。

嗣玄
泉彥

黃龍誨機禪師。初參巖頭。問如何是祖師西來

意。頭曰。你還解救糞麼。師曰。解。頭曰。且救糞去。後到玄泉。問如何是祖師西來意。泉拈起一莖皂角曰。會麼。師曰。不會。泉放下皂角。作洗衣勢。師便禮拜。曰。信知佛法無別泉。曰。你見甚麼道。理。師曰。某甲曾問巖頭。頭曰。你還解救糞麼。救糞也。祇是解粘。和尚提起皂角。亦是解粘。所以道無別泉。呵呵大笑。師遂有省。僧問風恬浪靜時如何。師曰。百尺竿頭。五兩垂。

嗣羅
山閒

明招德謙禪師。受羅山印記。靡滯於一隅。激揚玄旨。諸老宿皆畏其敏捷。後學鮮敢當其鋒者。

淨水不受

○師在婺州智者寺居第一座尋常不受淨水主事嗔曰上座不識觸淨為甚麼不受淨水師跳下牀提起淨缾曰這箇是觸是淨事無語師乃撲破自爾道聲遐播眾請居明招山○上堂全鋒敵勝罕遇知音同死同生萬中無一尋言逐句其數河沙舉古舉今滅胡種族向上一路啐啄猶乖儒士相逢握鞭回首沙門所見誠實苦哉拋却真金隨隊撮土報諸稚子莫謾波波解得它玄猶兼瓦礫不如一擲騰空太虛祇這靈鋒阿誰敢近任君來箭方稱丈夫擬欲吞聲

撮土金

天寒上堂

不消一攫○師到坦長老處坦曰夫參學一人所在亦須到半人所在亦須到師便問一人所在即不問作麼生是半人所在坦無對後令小師問師師曰汝欲識半人所在麼也祇是弄泥團漢頌一日天寒上堂眾纔集師曰風頭稍硬不是汝安身立命處且歸暖室商量便歸方丈大眾隨至立定師又曰終到暖室便見瞌睡以拄杖一時趁下

嗣羅山間

大寧微禪師上堂還有騰空底麼出來眾無出者師說偈曰騰空正是時應須眨上眉從茲出

倫去莫待白頭兒

嗣羅山間

天竺義澄禪師在羅山數載後因山示疾師問百年後忽有人問和尚以何指示山乃放身便倒師從此契悟

嗣羅山間

羅山義因禪師僧問承古有言自從認得曹谿路了知生死不相關曹谿路即不問如何是羅山路師展兩手僧曰怎麼則一路得通諸路亦然師曰甚麼諸路僧近前叉手師曰靈鶴烟霄外鉢鳥不離窠○問教中道順法身萬象俱寂隨智用萬象齊生如何是萬象俱寂師曰有甚麼曰如何是萬象齊生師曰繩牀椅子

嗣玄沙備

三界唯心

羅漢桂琛禪師一日為衆宣戒本布薩已乃曰持戒但律身而已非真解脫也依文作解豈發聖智乎於是訪南宗初謁雲居雪峰叅訊勤路然猶未有所見後造玄沙一言啓發廓爾無惑沙問三界唯心汝作麼生會師指椅子曰和尚喚這箇作甚麼曰椅子師曰和尚不會三界唯心曰我喚這箇作竹木汝喚作甚麼師曰桂琛亦喚作竹木曰盡大地覓一個會佛法底人不可得師自尔愈加激勵沙每因誘迪學者流出

漳牧
舍建精

諸三昧。皆命師為助發。師雖處眾。韜晦然。聲譽甚遠。時漳牧王公。建精舍曰地。歲請師開法。因插田次。見僧。乃問從甚處來。曰南州。師曰彼中佛法如何。曰商量浩浩地。師曰爭如我這裏。栽田博飯喫。曰爭奈三界何。師曰喚甚麼作三界。○問僧甚處來。曰南方來。師曰南方知識。有何言句示徒。曰彼中道。金屑雖貴。眼裏著不得。師曰我道須弥在汝眼裏。○後遷羅漢大闡玄要。上堂。宗門玄妙。為當祗恁麼也。更別有奇特。若別有奇特。汝且舉將來看。若無去。不可將兩

宗門
玄妙

南方
知識

倣家
行脚
記持
揀辨

個字。便當却宗乘也。何者兩個字。謂宗乘教乘也。汝纔道著宗乘。便是宗乘。道著教乘。便是教乘。禪德佛法宗乘。元來由汝口裏安名立字。作取說取。便是也。斯須向這裏說。平說實說。圓說常禪德。汝喚甚麼作平實。把甚麼作圓。常傍家行脚。理須甄別。莫相埋沒。得些子聲色。名字。貯在心頭。道我會解。善能揀辨。汝且會個甚麼。揀個甚麼。記持得底。是名字。揀辨得底。是聲色。若不是聲色。名字。汝又作麼生。記持揀辨。風吹松樹。也是聲。蝦蟆老鷄叫。也是聲。何不那裏聽取。

揀擇去。若那裏有個意度模樣。祇如老師口裏。又有多少意度。與上座莫錯。即今聲色。縱縱地。為當相及不相及。若相及。即汝靈性金剛秘密。應有壞滅去也。何以如此。為聲貫破汝耳。色穿破汝眼。因緣即塞却汝。幻妄走殺汝。聲色體。尔不可容也。若不相及。又甚麼處得聲色來。會麼。相及不相及。試裁辨看。少間又道。是圓常平實。甚麼人恁麼道。未是黃夷村裏漢。解甚麼說。是它古聖乖些子。相助顯發。今時不識好惡。便安圓實。道我別有宗風。玄妙釋迦佛。無舌頭不知。

瞎却
衆生
眼過
在化
上

次
翫
月

汝些子便恁麼點胸。若論殺盜淫罪。雖重猶輕。尚有歇時。此個謗般若。瞎却衆生眼。入阿鼻地獄。吞鐵丸。莫將為等閒。所以古人道。過在化主。不干汝事。珍重。○保福僧到師。問彼中佛法如何。曰。有時示衆道。塞却你眼。教你覷不見。塞却你耳。教你聽不聞。坐却你意。教你分別不得。師曰。吾問你不塞你眼。見個甚麼。不塞你耳。聞個甚麼。不坐你意。作麼生分別。頌。翫月次。乃曰。雲動有雨去。有僧曰。不是雲動。是風動。師曰。我道雲亦不動。風亦不動。曰。和尚適來又道雲動。師

嗣玄
沙備

曰。阿誰罪過。○師見僧舉拂子。曰。還會麼。曰。謝和尚慈悲示學人。師曰。見我豎拂子。便道示學人。汝每日見山見水。可不示汝。又見僧來舉拂子。其僧讚嘆禮拜。師曰。見我豎拂子。便禮拜讚嘆。那裏掃地。豎起掃帚。為甚麼不讚嘆。○頌。僧問。以字不成。八字不是。未審是甚麼字。師曰。汝實不會。那曰。學人實不會。師曰。看取下頭註脚。天龍明真禪師得法玄沙。復回浙中。錢武肅王請出世開法。上堂。若直舉宗風。獨唱本分事。便同於頑石。若言絕凡聖。消息無大地山河。盡十方世界。都是一隻眼。此乃事不獲已。恁麼道。還會麼。若更不會。聽取一頌。盲聾瘖瘂。是仙陀滿眼時。人不柰何。祇向目前須體妙。身心萬象與森羅。○僧問。蓮花未出水時如何。師曰。誰人不知。曰。出水後如何。師曰。馨香目擊。

嗣玄
沙備

僊宗契符禪師。僧問。飛岫巖邊華子秀。仙境臺前事若何。師曰。無價大寶光中現。暗容惛惛爭奈何。曰。優曇華拆人皆覩。向上宗乘意若何。師曰。閣黎若問宗乘意。不如靜處薩婆訶。白龍道希禪師。僧問。請師答無賓主話。師曰。昔

嗣玄
沙備

年曾記得。曰。即今如何。師曰。非但耳聾。亦兼眼暗。○問。請和尚生機。答話。師曰。把紙筆來。錄將去。

嗣玄
沙備

安國慧球禪師。亦曰中塔。僧問。佛法大意。從何方便。

頓入。師曰。入是方便。○問。雲自何山起。風從何。

澗生。師曰。盡力施為。不離中塔。○上堂。我此間。

粥飯。因緣。為兄弟舉唱。終是不常。欲得省要。却。

是山河大地。與汝發明。其道既常。亦能究竟。若。

從文殊門入者。一切無為。土木瓦礫。助汝發機。

若從觀音門入者。一切音響。蝦蟆蚯蚓。助汝發。

普賢
三門

機。若從普賢門入者。不動步。而到。以此三門。方。

便示汝。如將一隻折箸。攪大海水。令彼魚龍。知。

水為命。會麼。若無智眼。而審諦之。任汝百般巧。

妙。不為究竟。○僧問。學人。近入叢林。不明已事。

乞師指示。師以杖指之。曰。會麼。曰。不會。師曰。我。

恁麼為汝。却成抑屈人。還知麼。若約當人。分上。

從來底事。不論初入叢林。及過去諸佛。不曾乏。

少。如大地水。一切魚龍。初生及至老死。所受用。

水。悉皆平等。○問。如何是大庾嶺頭事。師曰。料。

汝承當不得。曰。重多少。師曰。這般底。論劫不柰。

何

嗣玄
沙備

螺峰冲奥禪師。僧問牛頭未見四祖時如何。師曰。德重鬼神欽。曰。見後如何。師曰。通身聖莫測。○問如何是本來人。師曰。惆悵松蘿境界危。

嗣玄
沙備

泉州睡龍山和尚。上堂舉拄杖曰。三十年住山。得它氣力。時有僧問和尚得它甚麼氣力。師曰。

過谿過嶺。東柱西柱。招慶云。我不恁麼道。僧問和尚作麼生道。慶以杖下

地柱

嗣玄
沙備

大章契如庵主。素蘊孤標。志探祖道。預玄沙之室。穎悟幽旨。玄沙記曰。子禪已逸格則。它後要

一人侍立也。無師自此不務聚徒。不畜童侍。隱

于小界山。剝大朽杉。若小菴。但容身而已。凡經

遊僧至。隨扣而應。無定開示。

雲峰光緒禪師。上堂。但以眾生日用而不知。譬

如三千大千世界。日月星辰。江河淮濟。一切含

靈。從一毛孔。入一毛孔。毛孔不小。世界不大。其

中眾生。不覺不知。若要易會。上座日用。亦復不

知

嗣玄
沙備

國清師靜。上座。始遇玄沙。示眾曰。汝諸人。但能一生如喪考妣。吾保汝究得徹去。師躡前語問

攝伏
之方

曰。祇如教中道。不得以所知心。測度如來無上
知見。又作麼生。沙曰。汝道究得徹底。所知心還
測度得及否。師從此信入。後居天台。三十餘載
不下山。博綜三學。操行孤立。禪寂之餘。常閱龍
藏。遐迹欽重。時謂大靜上座。○嘗有人問弟子
每當夜坐。心念紛飛。未明攝伏之方。願垂示誨。
師曰。如或夜間安坐。心念紛飛。却將紛飛之心。
以究紛飛之處。究之無處。則紛飛之念何存。反
究究心。則能究之心安在。又能照之智本空。所
緣之境亦寂。寂而非寂者。蓋無能寂之人也。照

還源
要道

而非照者。蓋無所照之境也。境智俱寂。心慮安
然。外不尋枝。內不住定。二途俱泯。一性怡然。此
乃還源之要道也。○師因觀教中幻義。乃述一
偈。問諸學流曰。若道法皆如幻。有造諸過惡。應

幻偈

嗣長
慶稜

無咎。云何所作業不忘。而藉佛慈。與接誘。○時
有小靜上座。答曰。幻人興幻。幻輪圍。幻業能招
幻所持。不了幻生。諸幻苦。覺知如幻。幻無為。
招慶道匡禪師。上堂次。大眾擁法座而立。師曰。
這裏無物。諸人苦恁麼相促。相拶作麼。擬心早
沒交涉。更上門上戶。千里萬里。今既上來。各著

嗣長慶稜

精彩招慶一時拋與諸人好麼乃曰還接得也無衆無對師曰勞而無功便陞座復曰汝諸人得甚麼鈍看他古人一兩箇得恁麼快總見便負將去也較些子若有此箇人非但四事供養便以琉璃為地白銀為壁亦未為貴帝釋引前梵王隨後攪長河為酥酪變大地為黃金亦未為足直得如是猶更有一級在還委得麼珍重報恩寶資禪師僧問學人初心請師示箇入路師遂側掌示之曰還會麼曰不會師曰獨掌不

嗣長慶稜

閩王問

報慈光雲禪師問僧近離甚處曰卧龍師曰在彼多少時曰經冬過夏師曰龍門無宿谷為甚在彼許多時曰師子窟中無異獸師曰汝試作師子吼看曰若作師子吼即無和尚師曰念汝新到放汝三十棒○閩王問報慈與神泉相去近遠師曰若說近遠不如親到師却問大王日應千差是甚麼心王曰甚麼處得心來師曰豈有無心者王曰那邊事作麼生師曰請向那邊問王曰大師謾別人即得○僧問大眾臻湊請師舉揚師曰更有幾人未聞曰恁麼則不假上

恐不
辦精
粗
嗣長
慶稜

來也。師曰。不上來。且從汝。向甚麼處會。曰。若有處所。即孤負和尚去也。師曰。祇恐不辦精粗。開先紹宗禪師。江南李主。巡幸洪井。入山瞻謁。請上堂。令僧問。如何是開先境。師曰。最好。是一條界破青山色。曰。如何是境中人。師曰。拾枯柴。煮布水。國主益加欽重。

嗣長
慶稜

傾心法。瑠禪師。僧問。如何是不朝天子。不羨王侯底人。師曰。每日三條線。長年一衲衣。曰。未審此人。還紹宗風也無。師曰。鵲來頭上語。雲向眼前飛。

嗣長
慶稜

水陸洪儼禪師。上堂。大眾集定。師下座。捧香爐。巡行大眾前。曰。供養十方諸佛。便歸方丈。

嗣長
慶稜

廣嚴咸澤禪師。僧問。不與萬法為侶者。是甚麼人。師曰。城中青史樓。雲外高峰塔。○問。如何是佛法大意。師曰。幽澗泉清。高峰月白。

嗣長
慶稜

報慈慧朗禪師。上堂。從上諸聖。為一大事。因緣故。出現於世。遞相告報。是汝諸人。還會麼。若不。會。大不容易。僧問。如何是一大事。師曰。莫錯相告報麼。曰。恁麼則學人不疑也。師曰。爭奈一翳在目。

嗣長
慶稜

石佛靜禪師上堂。若道素面相呈。猶添脂粉。縱

嗣長
慶稜

離添過。猶有負憊。諸人且作麼生。體恣

觀音清換禪師上堂。諸禪德若要論禪。說道舉

唱宗風。祇如當人分上。以一毛端上。有無量諸

佛。轉大法輪。於一塵中。現寶王刹。佛說衆生說

山河大地。一時說。未嘗間斷。如毗沙門王。始終

不求外寶。既各有如是家風。阿誰欠少。不可更

就別人處分也。僧問如何是法界性。師曰。汝身

中有萬象。曰如何體得。師曰。虛谷尋聲。更求本

嗣長
慶稜

末。東禪可隆禪師上堂。大好省要。自不仙陀。若是

嗣長
慶稜

聽響之流。不如歸堂向火。珍重。

德宗守玘禪師。僧問十二時中常在底人。還消

得人天供養也。無。師曰。消不得。曰。為甚麼消不

嗣長
慶稜

得。師曰。為汝常在。曰。祇如常不在底人。還消得

也。無。師曰。驢年。永安懷烈禪師上堂。顧視左右曰。患寒作麼。便

嗣長
慶稜

歸方丈。○上堂。良久曰。幸自可憐生。又被汚却也。龜山和尚頌。有人舉裴相國。啓建法會。問僧看

單宗末白

青原

尺

嗣長
慶稜

甚麼經曰無言童子經。公曰有幾卷。曰兩卷。公曰。既。是。無。言。為。甚。麼。却。有。兩。卷。僧。無。對。師。代。曰。若。論。無。言。非。唯。兩。卷。頌見裴休報慈從環禪師。僧問承古有言。今人看古教。未免心中鬧。欲免心中鬧。應須看古教。如何是古教師曰。如是我聞。曰。如何是心中鬧。師曰。那畔雀兒聲。

嗣長
慶稜

太傅王延彬居士評到招慶煎茶。朗上座與明招把鉚。忽翻茶鉚。公問茶鑪下是甚麼。朗曰。捧鑪神。公曰。既是捧鑪神。為甚麼翻却茶。朗曰。事官千日。失在一朝。公拂袖便出。明招曰。朗上座喫却招慶飯了。却向外邊打野裡。朗曰。上座作麼生。招曰。非人得其便。

嗣保
福慶

嗣保
福展

延壽慧輪禪師。僧問如何是一色。師曰。青黃赤白。曰。大好一色。師曰。將謂無人。也有一箇半箇。報慈文欽禪師。僧問如何是諸佛境。師曰。雨來雲霧暗。晴乾日月明。○問如何是妙覺明心。師曰。今冬好晚稻。出自秋雨成。○問如何是妙用。河沙。師曰。雲生碧岫。雨降青天。○問如何是平常心。合道。師曰。喫茶喫飯。隨時過。看水看山。實

暢情

嗣保
福展

鳳凰山從琛禪師。僧問如何是和尚家風。師曰。門風相似。即無阻矣。汝不是其人。曰。忽遇其人時。又如何。師曰。不可預搔待痒。○問學人根思遲回。方便門中。乞師傍瞥。師曰。傍瞥。曰。深領師旨。安敢言乎。師曰。太多也。

嗣保
福展

永隆慧瀛禪師。僧問無為無事人。為甚麼却是金鎖難。師曰。為斷粗纖。貴重難留。曰。為甚麼道無為無事人。逍遙實快樂。師曰。為鬧亂且要斷送。

嗣保
福展

嶽麓山和尚。僧問如何是聲色外句。師曰。猿啼鳥叫。○問截舌之句。請師舉揚。師曰。日能熱。月能涼。

嗣保
福展

後招慶和尚。僧問如何是和尚家風。師曰。一銚兼一鉢。到處是生涯。○問如何是佛法大意。師曰。擾擾念念。晨雞暮鐘。

嗣保
福展

建山澄禪師。僧問一代時教。接引今時。未審祖宗如何示人。師曰。一代時教。已有人問了也。曰。和尚如何示人。師曰。惆悵庭前紅莧樹。年年生葉不生華。

嗣保
福展

本分
事極
力省
心

招慶省燈禪師。開堂陞座。僧問。同學人全身不
會。請師指示。師曰。還解笑得麼。乃曰。叢林先達
者。不敢相觸忤。若是初心後學。未信直須信取。
未省直須省取。不用掠虛。諸人本分去處。未有一
時不顯露。未有一物解蓋覆得。如人若要知。
不用移絲髮地。不用少許工夫。但向博地。凡夫
位中。承當取。豈不省心力。既能省得。便與諸佛
齊肩。依而行之。緣此事是箇白淨去處。今日須
得白淨身心。合他始得。自然合古合今。脫生離
死。古人云。識心達本。解無為法。方號沙門。如今

坐禪
方便

諸官大眾。各須體取好。莫全推過。師僧分上佛
法平等。上至諸佛。下至一切。共同此事。既然如
此。誰有誰無。王事之外。亦須努力。適來說如許
多般。蓋不得已而已。莫道從上宗門。合恁麼語
話。祇如從上宗門。合作麼生。還相悉麼。若有人
相悉。山僧今日。雲得去也。久立大眾。珍重。○示
坐禪方便。頌曰。四威儀內坐為先。澄澗身心漸
坦然。瞥尔有緣。隨濁界。當須莫續。是天年。修持
祇學從功路。至理寧論在那邊。一切時中常管
帶。因緣相湊。豁通玄。○示執坐禪者曰。大道分

嗣鼓
山晏

明絕點塵。何須長坐。始相親。遇緣儻解無非是。
處憤那能有故新。散誕肯齊支遁侶。逍遙曷與
慧休鄰。或遊泉石。或闌闌。可謂烟霞物外人。
天竺子儀禪師。僧問丹霞燒木佛。意旨如何。師
曰。寒即圍爐向猛火。曰。還有過也無。師曰。熱即
竹林溪畔坐。問如何修行。即得與道相應。師曰。
高卷吟中箔。濃煎睡後茶。

嗣鼓
山晏

白雲智作禪師。一日鼓山上堂。召大眾。眾皆回
眸。山披襟示之。眾罔措。唯師朗悟厥旨。入室即
證。又叅次山。召曰。近前來。師近前。山曰。南泉喚

嗣鼓
山晏

院主意作麼生。師斂手端容。退身而立。山莞然
竒之。○住後上堂。還有人向宗乘中致得一問
來麼。待山僧向宗乘中答。時有僧出禮拜。師便
歸方丈。○僧問如何是枯木裏龍吟。師曰。火裏
蓮生。曰。如何是觸髓裏眼睛。師曰。泥牛入海。
龍山文義禪師上堂。若舉宗乘。即院寂境。荒若
留委問。更待箇甚麼。還有人委悉麼。出來驗看。
若無人委悉。且莫掠虛好。便下座。

嗣鼓
山晏

鼓山智嶽禪師。初遊方至鄂州黃龍。問久嚮黃
龍。及乎到來。祇見赤斑蛇。龍曰。汝祇見赤斑蛇。

且不識黃龍。師曰：如何是黃龍？龍曰：滔滔地。師曰：忽遇金翅鳥來，又作麼生？龍曰：性命難存。師曰：恁麼則被他吞却去也？龍曰：謝闍黎供養。師便禮拜。

嗣鼓
山晏

報恩清護禪師。開堂日，僧問：諸佛出世，天花亂墜，和尚出世，有何祥瑞？師曰：昨日新雷發，今朝細雨飛。

嗣龍
華照

瑞巖師進禪師。僧問：如何是瑞巖境？師曰：重重疊疊，漳南來遠，北向皇都咫尺間。曰：如何是境中人？師曰：萬里白雲朝瑞嶽，微微細雨洒簾前。曰：

未審如何親近此人。師曰：將謂闍黎親入室，元來猶隔萬重關。

嗣龍
華照

報國照禪師。上堂，我若全機，汝向甚麼處摸索。蓋為根器不等，便成不具慚愧，還委得麼？如今與諸仁者作個入底門路，乃敲繩牀兩下。曰：還見麼？還聞麼？若見便見，若聞便聞，莫向意識裡卜度，却成妄想，顛倒無有出期。珍重。

嗣翠
巖參

龍用子興禪師。僧問：正位中還有人成佛否？師曰：誰是衆生？曰：若恁麼則總成佛去也。師曰：還我正位來。曰：如何是正位？師曰：汝是衆生。

嗣翠巖參

佛隩知默禪師。僧問如何是佛隩家風。師曰。送客不離三步內。邀賓祇在草堂前。○上堂。山僧如今看見諸上座。恁麼行脚。喫辛喫苦。盤山涉澗。終不為觀看州縣。參尋名山勝跡。莫非為此一大事。如今且要諸人於本分參問中。通個消息來。雲山敢與證明。非但雲山證明。乃至禪林佛刹。亦與證明。還有甚麼生衆皆散去。便下座。南禪遇緣禪師。上堂。此個事可作恁麼生。時有僧出曰。請師道。師曰。睦州溪苔。錦城石閣。資福智遠禪師。僧問。師唱誰家曲。宗風嗣阿誰。

嗣鏡清愆

嗣鏡清愆

嗣鏡清愆

嗣安國瑄

師曰。雪嶺峰前月。鏡湖波裡明。○問諸佛出世。天雨四花。地搖六動。和尚今日有何祥瑞。師曰。一物不生全體露。目前光彩阿誰知。烏巨儀晏禪師。嘗入定于叢竹間。蟻蝨其衣。敗葉沒陛。子湖訥禪師。未知師所造淺深。問曰。子所住定。蓋小乘定耳。時方啜茶。師呈起橐曰。是大是小。訥駭然。白鹿貴禪師。僧問牛頭未見四祖時。百鳥銜花供養。見後為甚麼不來。師曰。曙色未分人盡望。及乎天曉也如常。

嗣安
國瑀

長慶歲用禪師。上堂。衆集。以扇子拋向地上。曰。愚人謂金是土。智者作麼生。後生可畏。不可總守愚去也。還有人道得麼。出來道看。時有僧出禮拜。退後而立。師曰。別更作麼生。曰。請和尚明鑑。師曰。千年桃核。

嗣安
國瑀

瑞峰智端禪師。初參安國。見僧問。如何是萬象之中。獨露身。國舉一指。其僧不薦。師於是冥契玄旨。乃入室。白曰。適來見那僧問話。智端有個省處。國曰。汝見甚麼道理。師亦舉一指。曰。這個是甚麼。國然之。師禮謝。○住後上堂。舉拂子曰。

曹谿用不盡底。時人喚作頭角生。山僧拈來拂蚊子。薦得乾坤陷落。○有僧夜參。師曰。阿誰。曰。某甲。師曰。泉州砂糖。舶上檳榔。僧良久。師曰。會麼。曰。不會。師曰。汝若會。即廓清五蘊。吞盡十方。○問。如何是西來意。師曰。木馬走似烟。石人趁不及。

嗣安
國瑀

僊宗明禪師。上堂。幸有如是門風。何不烜赫他紹續取去。若也紹得。不在三界。若出三界。即壞三界。若在三界。即礙三界。不礙不壞。是出三界。是不出三界。怎麼徹去。堪為佛法種子。人天有

賴時有僧問。拏雲不假風雷。便迅浪如何透得身。師曰。何得棄本逐末。

安國祥禪師。僧問。應物現形。如水中月。如何是月。師提起拂子。僧曰。古人為甚麼道。水月無形。

師曰。見甚麼。

嗣睡龍溥

保福清豁禪師。參睡龍。龍問曰。豁闍黎。見何尊宿來。還悟也未。曰。清豁嘗訪大章。得箇信處。龍於是上堂集眾。召曰。豁闍黎出來。對眾燒香。說

家貧遭劫

悟處。老僧與汝證明。師出眾。乃拈香曰。香已拈了。悟即不悟。龍大悅。而許之。○僧問家貧遭劫

時如何。師曰。不能盡底去。曰。為甚麼不能盡底

去。師曰。賊是家親。曰。既是家親。為甚麼翻成家

賊。師曰。內既無應。外不能為。曰。忽然捉敗時。如

何。師曰。內外絕消息。曰。捉敗後。功歸何所。師曰。

賞亦未曾聞。曰。恁麼則勞而無功也。師曰。功即

不無。成而不處。曰。既是成功。為甚麼不處。師曰。

不見道。太平本是將軍致。不使將軍見太平。○

師忽捨眾。欲入山待滅。乃遺偈曰。世人休說路

行難。鳥道羊腸咫尺間。珍重苧谿谿畔水。汝歸

遺偈勿置墳塔

滄海我歸山。即往貴湖卓庵。未幾。謂門人曰。吾

一 嗣白
兆圓

滅後將遺骸施諸蟲蟻勿置墳塔

大龍山智洪禪師僧問如何是佛師曰即汝便

是曰如何領會師曰更嫌鉢盂無柄那○問如

何是微妙師曰風送水聲來枕畔月移山影到

牀前評頌問色身敗壞如何是堅固法身師曰

山花開似錦澗水湛如藍

嗣白
兆圓

白馬山行雷禪師頌僧問如何是清淨法身師

曰井底蝦蟆吞却月○問如何是白馬正眼師

曰面南看北斗

嗣白
兆圓

興教師普禪師僧問盈龍宮溢海藏真詮即不

問如何是教外別傳底法師曰眼裏耳裏鼻裏

曰穢此便是否師曰是甚麼僧便喝師亦喝

棗樹和尚世二問僧發足甚麼處曰閩中師曰俊哉

曰謝師指示師曰屈哉僧作禮師曰我與麼道

落在甚麼處僧無語師曰彼自無瘡勿傷之也

黃龍智顓禪師僧問如何是諸佛之本源師曰

即此一問是何源曰恁麼則諸佛無異去也師

曰延平劔已成龍去猶有刻舟求底人

玄都澄禪師僧問喜得趨方丈家風事若何師

曰西風開曉露明月正當天曰如何拯濟師曰

嗣黃
龍機

嗣黃
龍機

嗣黃
龍機

金雞樓上一下鼓

龍機嗣黃

呂巖真人字洞賓初參黃龍言下頓契呂作偈曰棄却瓢囊搥碎琴如今不戀汞中金自從一見黃龍後始覺從前錯用心龍囑令加護

招謙嗣明

普照瑜禪師上堂三十年後大有人向這裏亡鋒結舌去在良久曰還會麼灼然若不是真師子兒爭識得上乘之機時有僧問師子未出窟時如何師曰眾獸徒然曰出窟後如何師曰孤絕萬里曰欲出不出時如何師曰當衙者喪曰向去事如何師曰決在臨鋒僧禮拜師有頌曰

決在臨鋒處天然師子機
嘖呻出三界非祖莫能知

漢琛嗣羅

清谿洪進禪師在地藏時居第一座一日地藏上堂二僧出禮拜藏曰俱錯二僧無語下堂請益修山主修曰汝自巍巍堂堂却禮拜擬問他人豈不是錯師聞之不肯修乃問未審上座又作麼生師曰汝自迷暗焉可為人修憤然上方丈請益藏指廊下曰典座入庫頭去也修乃省過領一日師問修山主曰明知生是不生之理為甚麼為生死之所流修曰筍畢竟成竹去如

單宗正錄曰

青原

五

今作笈使還得麼。師曰：汝向後自悟去。在。修白：某所見祇如此。上座意旨又如何。師指曰：這箇是監院房。那箇是典座房。修即禮謝。○師經行次。眾僧隨從。乃謂眾曰：古人有甚麼言。向大家商量。時有從漪上座。出眾擬問次。師曰：這沒毛驢。漪煥然省悟。

嗣羅漢琛

清涼休復禪師。嘗自謂曰：苟尚能詮。則為滯後。將趣凝寂。復患墮空。既進退莫決。捨二何之。乃參尋宗匠。依地。歲經年不契。直得成病。入涅槃堂。一夜。歲去看。乃問復上座安樂麼。師曰：某甲

為和尚因緣背。歲指燈籠曰：見麼。師曰：見。歲曰：祇這個也不背。師於言下有省。○僧問古人得個甚麼。即便休歇去。師曰：汝得個甚麼。即不休歇去。○問忠座主。講甚麼經。曰：法華經。師曰：若有說法華經處。我現寶塔。當為證明。大德講甚麼。人證明。忠無對。法燈云。謝和尚證明。

嗣羅漢琛

萬象

之中獨露

龍濟修禪師。初與法眼同參。地。歲所得謂已臻極。暨同辭。至建陽途中。談次。眼忽問古人道：萬象之中。獨露身。是撥萬象。不撥萬象。師曰：不撥。眼曰：說甚麼。撥不撥。師懵然不知。却回地。歲。

一理
二義

藏問子去未久。何以却來。師曰。有事未決。豈憚
跋涉山川。藏曰。汝跋涉許多山川也。還不惡。師
未喻旨。乃問古人道萬象之中。獨露身。意旨如
何。藏曰。汝道古人撥萬象。不撥萬象。師曰。不撥
藏曰。兩個也。師駭然。沉思而却問。未審古人撥
萬象。不撥萬象。藏曰。汝喚甚麼作萬象。師方省
悟。再辭地。藏觀于法眼。眼語意與地。藏開示。前
後如一。○上堂。具足凡夫法。凡夫不知。具足聖
人法。聖人不會。聖人若會。即是凡夫。凡夫若知。
即是聖人。此兩語。一理二義。若人解得。不妨於

翠巖
示徒

佛法中。有個入處。若辨不得。莫道不疑好。珍重
○問僧甚處來。曰。翠巖。師曰。翠巖有何言句。示
徒曰。尋常道。出門逢弥勒。入門見釋迦。師曰。與
麼道。又爭得。曰。和尚又如何。師曰。出門逢阿誰。
入門見甚麼。僧於言下有省。○上堂。聲色不到
處。病在見聞。言詮不及處。過在唇吻。僧問。離却
聲色。請和尚道。師曰。聲色裏。問將來。○頌。問劫火
洞然。大千俱壞。未審這箇。還壞也無。師曰。不壞。
曰。為甚麼不壞。師曰。為同於大千。○上堂。卷簾
除却障。閉戶生空礙。祇這障與礙。古今無欠會。

嗣羅漢珠

會得是障礙。不會不自在。○僧問古鏡未磨時如何。師曰。照破天地。曰。磨後如何。師曰。黑漆漆地。○師有頌曰。風動心搖樹。雲生性起塵。若明今日事。昧却本來人。○萬法是心光。諸緣唯性曉。本無迷悟人。祇要今日了。

延慶傳殷禪師。僧問見色便見心。燈籠是色。那箇是心。師曰。汝不會古人意。曰。如何是古人意。師曰。燈籠是心。○頌問若能轉物。即同如來。未審轉甚麼物。師曰。道甚麼。僧擬進語。師曰。這漆桶。此一則按頌古第一卷楞嚴經章內。

嗣羅漢珠

嗣白龍希

南臺守安禪師。僧問寂寂無依時如何。師曰。寂寂底響。因示頌曰。南臺靜坐一鑪香。終日凝然萬慮亡。不是息心除妄想。都緣無事可思量。廣平玄旨禪師。上堂。還有人證明麼。若有人證明。亦免孤負上祖。埋沒後來。若是尋言數句。大藏分明。若是祖宗門中。怪及甚麼處。恁麼道。亦是傍瞥之辭。○僧問如何是廣平境。師曰。地負名山秀。谿連海水清。曰。如何是境中人。師曰。汝問我答。○問如何是法身體。師曰。廓落虛空絕點瑕。曰。如何是體中物。師曰。一輪明月散秋江。

卷之三

青原

六一

嗣白
龍希

曰。未審體與物分不分。師曰。適來道甚麼。曰。恁麼則不分也。師曰。穿耳胡僧笑點頭。

靈峰志恩禪師。僧問如何是佛。師曰。更是阿誰。曰。既然如此。為甚麼迷妄有差殊。師曰。但自不亡羊。何須泣岐路。○問如何是靈峰境。師曰。萬疊青山如釘出。兩條綠水若圖成。曰。如何是境中人。師曰。明明密密。密密明明。

嗣白
龍希

報叻玄應禪師。僧問如何是第一義。師曰。如何是第一義。曰。學人請益。師何以倒問學人。師曰。汝適來請益甚麼。曰。第一義。師曰。汝謂之倒問。

嗣招
慶匡

邪

報恩宗顯禪師。僧問離四句。絕百非。請師道。師曰。青紅花滿庭。○問不涉思量處。從上宗乘。請師直道。師良久。僧曰。恁麼則聽響之流。徒勞側耳。師曰。早是粘泥。

嗣招
慶匡

太平清海禪師。僧問古人道不從請益得。祖師為甚麼道誰得作佛。師曰。悟了方知。○問從上宗乘次第指授。未審今日如何舉唱。師曰。透出白雲深洞裏。名花異草嶺頭生。

嗣招
慶匡

興陽道欽禪師。僧問如何是興陽境。師曰。松竹

乍栽山影綠。水流穿過院庭中。○問如何是佛。師曰。更是甚麼。

嗣延壽輪

歸宗道詮禪師。僧問。深山巖谷中。還有佛法也。無。師曰。無。曰。佛法徧在一切處。為甚麼却無。師曰。無人到。○問。如何是學人自己。師曰。林窄先卧。粥稀後坐。

嗣清谿進

天平山從濟禪師。僧問。大眾雲集。合談何事。師曰。香烟起處。森羅見。師有一則評頌機緣。見六卷西院明章內。

嗣清谿進

圓通德禪師。上堂。諸上座。明取道眼好。是行脚本分事。道眼若未明。有甚麼用處。祇是移盤喫

飯。漢道眼若明。有何障礙。若未明得。強說多端也。無用處。無事。切須尋究。

嗣清涼復

奉先慧同禪師。僧問。教中道。唯一堅密身。一切塵中見。又道。佛身充滿於法界。普現一切群生。前於此二途。請師說。師曰。唯一堅密身。一切塵中見。

嗣歸宗詮

九峰義詮禪師。僧問。如何是祖師西來意。師曰。有力者負之。而趨。

嗣隆壽遠

隆壽法騫禪師。上堂。今日隆壽出世。三世諸佛。森羅萬象。同時出世。同時轉法輪。諸人還見麼。

僧問如何是隆壽境。師曰。無汝插足處。曰。如何是境中人。師曰。未識境在。○有僧來參。次日請問心要。師曰。昨日相逢。序起居。今朝相見。事還如。如何却覓呈心要。心要如何。特地踈。

會元八卷終

禪宗正脉卷第四